

慧日佛學班第 6 期（《大智度論》）

《大智度論》卷 38

〈釋往生品第四之上¹〉

（大正 25，336b2-343a5）

釋厚觀（2009.4.11）

壹、明「菩薩行般若波羅蜜，來生此間之三類菩薩」

【經】

舍利弗白佛言：「世尊！菩薩摩訶薩行般若波羅蜜，能如是習相應者，從何處終，來生此間？從此間終，當生何處？」

佛告舍利弗：「是菩薩摩訶薩行般若波羅蜜，能如是習相應者，⁽¹⁾或從他方佛國來生此間，⁽²⁾或從兜率天上來生此間，⁽³⁾或從人道中來生此間。

（壹）從他方佛國來

「舍利弗！從他方佛國來者，疾與般若波羅蜜相應；與般若波羅蜜相應故，捨身，來生此間，諸深法要²皆現在前，後還與般若波羅蜜相應，在所生處常值諸佛。

（貳）從兜率天來

「舍利弗！有一生補處菩薩，兜率天上終，來生是間；是菩薩不失六波羅蜜，隨所生處，一切陀羅尼門、諸三昧門疾現在前。

（叁）從人中來

「舍利弗！有菩薩人中命終、還生人中者，除阿毘跋致，是菩薩根鈍，不能疾與般若波羅蜜相應，諸陀羅尼門、三昧門不能疾現在前。」

【論】

一、眾生不可得，菩薩亦不可得，為何舍利弗問「菩薩從何處來生此間、往生何處」

問曰：是般若波羅蜜中，眾生畢竟不可得；如上品說：「舍利弗！如³一切眾生不可得，壽者、命者乃至知者、見者等眾生諸異名字，皆空無實。」⁴此中⁵何以問「從何所來，去至何所上⁶」？眾生異名即是菩薩；眾生無故，菩薩亦無。又此經中說：「菩薩但有名字，無有實法。」⁷今舍利弗何以作此問？

¹ 第四之上=第四品上【宋】【宮】，=第四之一【元】【明】。（大正 25，336d，n.7）

² 法要=妙法【宋】【元】【明】。（大正 25，336d，n.10）；〔要〕-【宮】【石】。（大正 25，336d，n.11）

³ 〔如〕-【宋】【宮】；如=知【元】【明】。（大正 25，336d，n.14）

⁴ 《摩訶般若波羅蜜經》卷 1〈習應品〉：「佛告舍利弗：『菩薩摩訶薩行般若波羅蜜時，應如是思惟：菩薩但有名字，佛亦但有字，般若波羅蜜亦但有字；色但有字，受、想、行、識亦但有字。舍利弗！如我但有字，一切我常不可得，眾生、壽者、命者、生者、養育、眾數、人者、作者、使作者、起者、使起者、受者、使受者、知者、見者，是一切皆不可得。』」（大正 8，221c11-18）

⁵ 〔中〕-【宋】【元】【明】【宮】。（大正 25，336d，n.15）

⁶ 上=止【宋】【元】【明】【宮】。（大正 25，336d，n.16）

⁷ 參見釋厚觀、郭忠生合編《〈大智度論〉之本文相互索引》，《正觀》第 6 期〔以下簡稱《正觀》第 6 期〕，p.102：

答曰：

(一) 佛應機開示有眾生、無眾生⁸

1、二諦說：依世諦說有眾生，為勝義諦說無眾生

佛法中有二諦：一者、世諦，二者、第一義諦。

為世諦（336c）故，說有眾生；為第一義諦故，說眾生無所有。⁹

2、為知名字相、久習行、不著，知他意者，說言有眾生；反之則說無眾生

復有二種：有知名字相，有不知名字相；譬如軍立密號，有知者，有不知者。

復有二種：有初習行，有久習行；有著者，有不著者；有知他意者¹⁰，有不知他意者〔雖有言辭，知其寄言以宣理¹¹〕。

為不知名字相、初習行、著¹²、不知他意者，故說無眾生。

為知名字相、久習行、不著、知他意者，故說言有眾生。

(二) 明舍利弗起問之緣由

1、舍利弗以天眼不見者故問

舍利弗以天眼明，見六道眾生生死善惡，於此無疑；但不知從他方無量阿僧祇世界諸菩薩來者，故問。

有諸大菩薩從此間終，生他方無量阿僧祇佛國；舍利弗天眼所不見，故問。

2、舍利弗欲令眾生於菩薩起敬心故問

復次，有聲聞人見菩薩行六波羅蜜，久住生死中，漏未盡故，集種種智慧、內外經書，而不證實際，未免生老病死，愍而輕之言：「此等命終，以三毒未盡故，當墮何處？如佛說：『諸凡夫人常開三惡道門；於三善道為客，於三惡處為家。三毒力強，過去世無量劫罪業積集，而不取涅槃，將受眾苦，甚可愍¹³之！』」¹⁴如是等小乘人輕愍是菩薩。

舍利弗於一切聲聞中為第一大法將，¹⁵知有是事，欲令眾生起敬心於菩薩，故問。

(1) 《摩訶般若波羅蜜經》卷 1〈3 習相應品〉(大正 8, 221c13-21)，卷 2〈7 三假品〉(230c5-231a19)，卷 3〈9 集散品〉(234c14-29)，卷 4〈16 乘乘品〉(247b6-19)，卷 7〈26 十無品〉(268c19-269a8)。

(2) 《放光般若經》，卷 1〈3 假號品〉(大正 8, 5a2-7)，卷 2〈9 行品〉(11b6-c8)、〈11 本無品〉(14a27-b11)，卷 3〈17 摩訶衍品〉(21a9-16)，卷 5〈26 不可得三際品〉(34c20-35a5)。

⁸ 有我無我— 世諦，第一義諦
| 知名字相，不知名字相
初習行，久習行
| 著者，不著者
| 知它意者，不知它意者(導師《大智度論筆記》[A009] p.15)

⁹ 二諦：有我無我。(導師《大智度論筆記》[C006] p.191)

¹⁰ [者]—【宋】【元】【明】【宮】。(大正 25, 336d, n.17)

¹¹ 理+ (也)【宋】【元】【明】【宮】。(大正 25, 336d, n.19)

¹² 著+ (者)【元】【明】。(大正 25, 336d, n.20)

¹³ 《大正藏》原作「惑」，今依《高麗藏》作「愍」(第 14 冊, 763b7)。

¹⁴ 出處待考。

¹⁵ (1) 《大毘婆沙論》卷 66：「示道沙門者，謂尊者舍利子，無等[兩/隻]*故、大法將故、常能隨佛轉法輪故。一切無學聲聞應知亦爾。」(大正 27, 341c25-28)

二、佛答：菩薩從三處來生此間

佛以三事答：一、從他方佛國來生，二、從兜率天上來，三、從人道中來。

(一) 舍利弗應知菩薩從兜率天上、人道中來生此間，何以問菩薩從何處來

問曰：如從他方佛國來者，以遠故，舍利弗不知；兜率天上、人道中來者，何以不知？

答曰：舍利弗不知他方佛國來者故問；佛為如所應分別，答有三處來。

(二) 六道中何故但說兜率天、人道中來，又何以他方佛國不分別天道、人道

問曰：世間有六道，何以故於天中別¹⁶說兜率天來，人道中不分別處所，(337a)他方佛國來者亦不分別天道、人道？

答曰：

1、六道中不說三惡趣中來——不任次第得無上菩提故

六趣中，三是惡道；惡道中來，受苦因緣，心鈍故，不任¹⁷得道，是故不說。

※ 因論生論：三惡道中來亦應有得道者，云何言不任得道

問曰：三惡道中來，亦有得道者。如舍利弗大弟子牛足比丘，五百世牛中生，末後得人身，足猶似牛，而得阿羅漢道。¹⁸

復有摩偷婆尸他比丘，五百世生獼猴中，末後得人身，得三明、六神通阿羅漢，猶好跳躑¹⁹，以有餘習故。²⁰

如是等皆得道，何以言「不任」？

答曰：雖有得者，少不足言。

又此人先世深種涅槃善根，小有謬錯，故墮惡道中；償罪既畢，涅槃善根熟故，得成道果。

此中不說聲聞道，但為得阿耨多羅三藐三菩提前身、後身次第。譬如從垢心起，不得次第入無漏，中間必有善有漏心，²¹以無漏心貴故，言：「於三惡道出，不任²²次第得阿耨多羅三藐三菩提心。」

天、人、阿修羅則不然。

2、天趣中但說兜率、不說餘處之因

* [雨/隻]=雙【宋】【元】【明】【宮】。(大正 27, 341d, n.5)

(2)《順正理論》卷 69：「舍利子聲聞眾中智慧第一，是大法將。」(大正 29, 719b26-27)

¹⁶ (分) + 別【元】【明】。(大正 25, 336d, n.23)

¹⁷ 任：能，堪。(《漢語大詞典(一)》，p.1196)

¹⁸ 牛足比丘宿緣。(導師《大智度論筆記》[G011] p.384)

¹⁹ 躑=擲【宋】【元】【明】【宮】。(大正 25, 337d, n.1)

²⁰ 參見《大智度論》卷 84：「譬如蜜婆私訶阿羅漢，五百世在獼猴中，今雖得阿羅漢，猶騰跳樹木。愚人見之，即生輕慢：『是比丘似如獼猴。』是阿羅漢無煩惱心而猶有本習。」(大正 25, 649c10-13)

²¹ 三性次第：垢心次第不得入無漏心，中間要有善有漏。(導師《大智度論筆記》[A060] p.102)

²² 任 + (得道)【宋】【元】【明】【宮】。(大正 25, 337d, n.2)

(1) 依欲界諸天說

下三天結使利²³而深²⁴，上二天結使深而不利，兜率天結使不深不利。所以者何？常有菩薩說法故，是故不說餘處；或有，少故不說。

(2) 依色界諸天說

色界諸天，得道者不復來下；未得道者，樂著禪味故不下，以著味故，智慧亦鈍，是故不說。

3、不說阿修羅道之因

阿修羅同下二天²⁵，故不說。

(三) 釋三處來生此間之菩薩²⁶

1、釋他方佛國來生之菩薩

他方佛國來者，從諸佛前來生是間，諸根猛利。所以者何？除無量阿僧祇劫罪故；又遇諸佛隨心教導故，如刀得好石則利；又常聞、誦、正憶念般若波羅蜜故利。如是等因緣，則菩薩心利。

人中來者，此間佛弟子聽般若波羅蜜，集諸功德，捨身還生是間，或²⁷於異國土。雖無有佛，值遇佛法，聽、(337b) 受、書寫、正憶念，隨力多少，修福德、智慧。是人諸根雖鈍，堪受般若波羅蜜；以不見現在佛故心鈍。

他方佛國來者，利根故，修行般若波羅蜜疾得相應；以相應故，常值諸佛。值佛因緣，如先說。²⁸

2、釋從兜率天上來生之菩薩


問曰：兜率天上，何以但說一生補處，不說二生、三生？

答曰：人身罪結煩惱處所，唯大菩薩處之則無染累²⁹。如鵝入水，水不令濕；如是菩薩，一切世間法所不能著。所以者何？佛自說因緣：「不失六波羅蜜，諸陀羅尼門、諸三昧門疾現在前。」是菩薩於是世界應利益眾生，其餘菩薩分布十方；譬如大智慧人已在一處，其餘大智則至異處，是故不說。³⁰

²³ 利：疾，迅猛。《淮南子·墜形訓》：輕土多利，重土多遲。高誘注：利，疾也。」(《漢語大詞典(二)》，p. 634)

²⁴ 深：深重，嚴重。《韓非子·喻老》：君有疾在腠理，不治將恐深。」(《漢語大詞典(五)》，p. 1420)

²⁵ 下二天：指四天王天及忉利天。



(導師《大智度論筆記》〔F036〕p.368)

²⁷ [或] — 【宋】【元】【明】【宮】。(大正 25，337d，n.4)

²⁸ 參見《正觀》第 6 期，p.103：《大智度論》卷 37 (大正 25，333b11-28)，卷 29 (275c1-276b19)。

²⁹ 染累：牽連，連累。《北齊書·循吏傳·蘇瓊》：“平原郡有妖賊劉黑狗，構結徒侶，通於滄海。瓊所部人連接村居，無相染累。”(《漢語大詞典(四)》，p.938)

³⁰ 入實相：一生補處，是法身——從兜率來(不必成佛)。(導師《大智度論筆記》〔A042〕p.81)

復次，有人言：但說大者，不限於小。

復次，餘天中來生者，餘處當廣說。³¹

3、釋從人道中來之菩薩

(1) 人道中來之菩薩與餘二處菩薩之比較

人中死人中生者，不如上二處³²。何以故？以人身地大多故，身重心鈍，以心心數法隨身強弱故；³³又諸業結使因緣生故。

彼二處來者，是法身菩薩，變身無量以度眾生，故來生是間。

人道中者，皆是肉身。

(2) 釋「除阿毘跋致，是菩薩根鈍，不疾與般若相應，諸陀羅尼門、三昧門不能疾現在前」

問曰：阿毘跋致菩薩不以結業受身，何以故³⁴人道中說？

答曰：來生此間，得阿毘跋致，未捨肉身故。

以鈍根故，諸陀羅尼、三昧門不疾現在前；不疾現在前故，不疾與般若相應。

貳、次答此間終而往生他方之菩薩³⁵

【經】「舍利弗！汝所問『菩薩摩訶薩與般若波羅蜜相應，從此間終當生何處』者——

(壹) 第一類菩薩：般若相應者，從一國至一國，常值佛不離佛（導師《大智度論筆記》〔F036〕p.369）

「舍利弗！此菩薩摩訶薩，從一佛國至一佛國，常值諸佛，終不離佛。

(貳) 第二類菩薩：菩薩行禪無方便，味著生天³⁶（導師《大智度論筆記》〔F036〕p.369）

「舍利弗！有菩薩摩訶薩不以方便入初禪乃至第四禪，亦行六波羅蜜；是菩（337c）薩摩訶薩得禪故，生長壽天，隨彼壽終來生是間，得人身，值諸佛——是菩薩諸根不利。

³¹ 參見《摩訶般若波羅蜜經》卷 2〈4 往生品〉：「舍利弗！有菩薩摩訶薩不以方便入初禪乃至第四禪，亦行六波羅蜜。是菩薩摩訶薩得禪故生長壽天，隨彼壽終來生是間，得人身，值遇諸佛。是菩薩諸根不利。」（大正 8，225b15-18）

另參見《大智度論》卷 38〈4 往生品〉（大正 25，337b28-c2）。

³² 上二處：指他方佛國來及兜率天來之菩薩。

³³ 心身關係：欲界身地大多，心即鈍，以心心數法隨身強弱故。（導師《大智度論筆記》〔A060〕p.102）

³⁴ 〔故〕—【宋】【元】【明】【宮】。（大正 25，337d，n.9）

³⁵ 參見印順法師著《初期大乘佛教之起源與開展》（p.682）：「在〈往生品〉中，行般若波羅蜜相應的，舉他方、兜率天、人間——三處來，與「下品般若」〈相無相品〉所說相合。說到「與般若波羅蜜相應，從此間終，當生何處」時，廣說修菩薩行人的不同行相，共四十四類。這不但是「下品般若」所未說，也是「中品般若」「後分」所沒有的。這表示了當時佛教界所知道的菩薩，無論是事實的，論理的，傳說的，有那麼多的不同類型。」

³⁶ 菩薩行禪（七人）—
┌無方便┐味著生天
│ ├起不善心生欲界
└起悲心，捨禪味生欲界（結業身）三大家（2）
│ ├生有佛處——（賢劫中當得）（1）
└有方便┐生六欲天，成就眾生、淨佛世界（3）
│ ├作梵天王，尋佛，請轉法輪（4）
│ ├生兜率，壽終，百千萬億〔諸天〕圍繞，來此成佛（5）

（導師《大智度論筆記》〔F036〕p.369）

〔叁〕第三類菩薩：菩薩行禪無方便，起不善心生欲界（導師《大智度論筆記》〔F036〕p.369）

「舍利弗！有菩薩摩訶薩入初禪乃至第四禪，亦行般若波羅蜜；不以方便故，捨諸禪，生欲界，是菩薩諸根亦鈍。

〔肆〕第四類菩薩：菩薩行禪有方便，生有佛處——〔賢劫中當得〕（導師《大智度論筆記》〔F036〕p.369）

「舍利弗！有菩薩摩訶薩入初禪乃至第四禪，入慈心乃至捨，入虛空處乃至非有想非無想處，修四念處乃至八聖道分，行十力乃至大慈大悲；是菩薩用方便力，不隨禪生，不隨無量心生，不隨四無色定生；在所有佛處於中生，常不離般若波羅蜜行。如是菩薩，賢劫中當得阿耨多羅三藐三菩提。

【論】

一、何故菩薩由前世來生唯三種答，而往生後世則廣分別

問曰：舍利弗今³⁷問前世、後世，佛何以故前世中三種答，後世中廣分別？

答曰：

〔一〕雖不見過去、未來，而未來世當受故廣分別

人以肉眼不見過去、未來故，而生邪疑；雖疑二處³⁸，而未來世當受，故廣分別。譬如已滅之火，不復求救，但多方便防未來火；又如治病，已滅之病不復加治，但治將生之病。

〔二〕佛具無量辯才，雖少問而能廣說

復次，佛無量辯才自恣，舍利弗所問雖少，佛廣為其說。

如問「與般若波羅蜜相應」一事，而佛種種分別。

如貧者從大富好施者乞，所乞雖少，所與甚多。佛亦如是，有無量無漏佛法具足之富，以大慈悲好行施惠；因舍利弗少問故，佛為大眾廣分別說。

〔三〕為斷種種邪疑顛倒心故廣說

復次，是般若波羅蜜中，種種因緣譬喻，多說空法。

有新發意者，取空相，著是空法，於生死業因緣中生疑：「若一切法畢竟空，無來無去，無出無入相，云何死而有生？現在眼見法尚不應有，何況死後餘處生不可見而有！」³⁹如是等種種邪疑顛倒心。

為斷是故，（338a）佛種種因緣廣說有死有生。

二、釋疑：「身滅便無，不見更有受後身者，應無往生後世者」疑⁴⁰

³⁷ 今=合【宋】【元】【明】【宮】。（大正 25，337d，n.11）

³⁸ 二處：過去來生處，往生未來處。

³⁹ 新學：取空相，疑生死業因緣。（導師《大智度論筆記》〔E009〕p.301）

⁴⁰ 證有後世	「若身滅便無」	眾生即有愛喜生即知貪色	比知先世曾習因緣
	「同一父母生，愚智好醜貧富異」		
	「此非肉眼所見：天眼所見故可見——現知		
	「煩惱不盡，行業因緣相續故可知」		
	「有知宿命者故		
	「若不見重生」	一切經書皆說有故	比知及聖教量知
		三業定有善不善故	
		信聖人所說故	

問曰：無有死生因緣。何以故？人死歸滅；滅有三種：一者、火燒爲灰，二者、虫食爲糞，三者、終歸於土。

今但見其滅，不見更有出者受於後身！以不見故，則知爲無！

答曰：

(一) 破外執

1、若身滅便無（導師《大智度論筆記》〔F036〕p.369）

(1) 眾生即有愛喜，生即知貪色：比知先世曾習因緣（導師《大智度論筆記》〔F036〕p.369）

若汝謂「身滅便無」者，云何有眾生先世所習憂喜怖畏等？如小兒生時，或啼或笑，先習憂喜故，今無人教而憂喜續生。又如犢子生知趣乳；猪羊之屬，其生未幾，便知有牝牡⁴¹之合。

(2) 同一父母生，愚智好醜貧富異：比知先世曾習因緣（導師《大智度論筆記》〔F036〕p.369）

子同父母，好醜貧富，聰明闇鈍，各各不同；若無先世因緣者，不應有異！

(3) 結

如是等種種因緣，知有後世。

2、若不見重生（導師《大智度論筆記》〔F036〕p.369）

(1) 現知——此非肉眼所見，天眼所見故可見（導師《大智度論筆記》〔F036〕p.369）

又汝先言「不見別有去」者，人身中非獨眼根能見，身中六情各有所知：有法可聞、可嗅、可味、可觸、可知者；可聞法尙不可見，何況可知者！有生有死法，亦可見、亦可知；汝肉眼故不見，天眼者了了能見。⁴²如是⁴³人從一房出，入一房；捨此身，至後身，亦如是。若肉眼能見者，何用求天眼？若爾者，天眼、肉眼，愚聖無異；汝以畜生同見，何能見後世？

(2) 比知及聖教量知（導師《大智度論筆記》〔F036〕p.369）

A、煩惱不盡，行業因緣相續故可知（導師《大智度論筆記》〔F036〕p.369）

可知者，如人死生雖無來去者，而煩惱不盡故，於身情意相續，更生身情意；身情意造業，亦不至後世，而從是因緣更生，受後世果報。⁴⁴

譬如乳中著毒，乳變爲酪，酪變爲酥；乳非酪、酥，酪、酥非乳，乳、酪雖變而皆有毒。⁴⁵此身亦如是，今世五眾因緣故，更生後世五眾，行業相續不異故，而受果報。又如冬木，雖未有花葉果實，得時節會，則次第⁴⁶而出。

如是因緣，故知有死生。

（導師《大智度論筆記》〔F036〕p.369）

⁴¹ 牝牡（ㄉㄨㄣˋ ㄉㄨㄣˋ ㄇㄨˋ ㄇㄨˋ）：鳥獸的雌性和雄性。《荀子·非相》：“夫禽獸有父子而無父子之親，有牝牡而無男女之別。”（《漢語大詞典（六）》，p.237）

⁴² 天眼：天眼明見死生。（導師《大智度論筆記》〔A053〕p.324）

⁴³ 是=見【宋】【元】【明】【宮】【石】。（大正 25，338d，n.2）

⁴⁴ 十二因緣——證有後世：煩惱不盡故，於身情意相續，更生身情意。身情意造業不至後世，而後世果報從是因緣生。（導師《大智度論筆記》〔A054〕p.92）

⁴⁵ 乳中著毒喻。（導師《大智度論筆記》〔E025〕p.324）

⁴⁶ 《大正藏》原作「等」，今依《高麗藏》作「第」（第 14 冊，765b10）。

B、有知宿命者故（導師《大智度論筆記》〔F036〕p.369）

復次，現世有知宿命者，如人行⁴⁷，疲極（338b）睡臥，覺已，憶所經由。

C、一切經書皆說有故（導師《大智度論筆記》〔F036〕p.369）

又一切聖人、內外經書，皆說後世。

D、三業定有善不善故（導師《大智度論筆記》〔F036〕p.369）

復次，現世不善法，動發過重，生瞋恚、嫉妬、疑悔內惱故，身則枯悴⁴⁸，顏色不悅。惡不善法，受害如是，何況起身業、口業！若生善法，淨信業因緣，心清淨，得如實智慧，心則歡悅，身得輕軟，顏色和適⁴⁹。⁵⁰

以有苦樂因緣故，有善不善；今定有善不善故，當知必有後世。但眾生肉眼不見，智慧薄故而生邪疑，雖修福事，所作淺薄。譬如藥師為王療病，王密為起宅，而藥師不知；既歸見之，乃悔不加意盡力治王。

E、信聖人所說故（導師《大智度論筆記》〔F036〕p.369）

復次，聖人說今現在事實可信故，說後世事亦皆可信；如人夜行嶮道，導師授手，知可信故，則便隨逐。

F、結

比智及聖人語，可知定有後世。

汝以肉眼重罪、比智薄故，又無天眼；既自無智，又不信聖人語，云何得知後世？

（二）緣起性空，雖空亦不斷，相續亦不常，不遮生死業因緣，故說往生無疾

復次，佛法中諸法畢竟空，而亦不斷滅；生死雖相續，亦不是常；⁵¹無量阿僧祇劫業因緣雖過去，亦能生果報而不滅——是為微妙難知。⁵²

若諸法都空者，此品中不應說往生，何有智者前後相違？

若死生相實有，云何言「諸法畢竟空」？

但為除諸法中愛著邪見顛倒故，說「畢竟空」，不為破後世故說。⁵³

汝無天眼明⁵⁴故疑後世，欲自陷罪惡！遮是罪業因緣故，說種種往生。

⁴⁷（夢）+行【宋】【元】【明】【宮】。（大正 25，338d，n.5）

⁴⁸ 枯悴：憔悴。（《漢語大詞典（四）》，p.896）

⁴⁹ 適=悅【宋】【元】【明】【宮】，=澤【石】。（大正 25，338d，n.6）

⁵⁰ 十善十惡：善不善心動，顏色即有悅不悅異，身即有枯悴輕軟異。（導師《大智度論筆記》〔A052〕p.89）

⁵¹ 參見《中論》卷 3〈17 觀業品〉：「雖空亦不斷，雖有亦不常，業果報不失，是名佛所說。」（大正 30，22c21-22）

⁵²（1）佛德——甚深法：諸法畢竟空而亦不斷滅，生死相續亦不常，過去業能生果報而不滅。（導師《大智度論筆記》〔C002〕p.184）

（2）業：無量劫業因緣，雖過去亦能生果報而不滅。（導師《大智度論筆記》〔C011〕p.203）

⁵³（1）畢竟空：但除法中邪見顛倒，不破後世。（導師《大智度論筆記》〔C006〕p.192）

（2）空有決：若都空，不應往生；若實有，不應說畢竟空。為破愛著、邪見、顛倒故說空，不為破後世。（導師《大智度論筆記》〔C006〕p.192）

⁵⁴〔明〕—【宋】【元】【明】【宮】。（大正 25，338d，n.10）

佛法不著有，不著無，有無亦不著，非有非無⁵⁵亦不著，不著亦不著；⁵⁶如是人則不容難！譬如以刀斫⁵⁷空，終無所傷。爲眾生故隨緣說法，自無所著。⁵⁸以是故《中論》中說：（338c）

一切諸法實，一切法虛妄，諸法實亦虛，非實亦非虛！⁵⁹

涅槃際爲真，世間際亦真，涅槃世無別，小異不可得！⁶⁰

是爲畢竟空相。畢竟空，不遮生死業因緣，是故說往生。

三、釋「第一類菩薩」

（一）般若無相，云何與般若相應，遊諸佛國、常值諸佛

問曰：若般若波羅蜜一相，所謂無相，云何「與般若相應，從一佛國至一佛國，常值諸佛」？

答曰：

1、般若攝一切法，譬如大海（導師《大智度論筆記》〔D003〕p.243）

般若波羅蜜攝一切法，譬如大海，以是故不應作難！

2、般若無相，不應無相中取相作難

復次，汝自說般若波羅蜜一相無相，若無相，云何有難？汝則無相中取相，是事不然。

3、因般若故，行念佛三昧等諸善法，生值諸佛

復次，因般若波羅蜜故，行念佛三昧等諸善法，生值諸佛。⁶¹

4、達諸法畢竟空，眾生不知而自苦，乃起大悲；大慈悲因緣故，得無量福德，生值諸佛⁶²

復次，行般若波羅蜜者，深入大悲；如慈父見子爲無所直物故死，父甚愍之，此兒但爲虛誑故死！諸佛亦如是，知諸法畢竟空不可得，而眾生不知；眾生不知故，於空法中深⁶³著，著因緣故，墮大地獄。是故深入大悲；以大慈悲因緣故，得無量福德；得無量福德故，生值諸佛，從一佛國至一佛國。是菩薩從此間⁶⁴死，彼間生；

⁵⁵ 無+（非非有非非無）【石】。（大正 25，338d，n.11）

⁵⁶ 有無決：佛法不著有、無、有無、非有非無，不著亦不著。（導師《大智度論筆記》〔C013〕p.207）

⁵⁷ 斫=破【宋】【宮】。（大正 25，338d，n.12）

⁵⁸ 說教：爲生隨緣說法，自無所著。（導師《大智度論筆記》〔C007〕p.194）

⁵⁹ 《中論》卷 3〈18 觀法品〉：「一切實非實，亦實亦非實，非實非非實，是名諸佛法。」（大正 30，24a5-6）

⁶⁰ （1）《中論》卷 4〈25 觀涅槃品〉：「涅槃之實際，及與世間際，如是二際者，無毫釐差別。」（大正 30，36a10-11）

（2）世間即涅槃：真故。（導師《大智度論筆記》〔C022〕p.224）

⁶¹ 參見《大智度論》卷 37：「復次，深念佛故，終不離佛；世世善修念佛三昧故；不失菩薩心故；作不離佛願；願生在佛世故；種值佛業緣常相續不斷故，乃至阿耨多羅三藐三菩提，終不離見佛。」（大正 25，333b24-28）

⁶² 慈悲：達諸法畢竟空，眾生不知而自苦，乃起大悲。（導師《大智度論筆記》〔D003〕p.243）

⁶³ 深=染【宋】【元】【明】。（大正 25，338d，n.14）

⁶⁴ 〔間〕—【宋】【元】【明】【宮】。（大正 25，338d，n.16）

彼間死，復至彼間生；如是乃至得佛，終不離佛。⁶⁵譬如有福之人，從一大會至一大會。或有是間死，彼間生，於彼以五神通力故，從一佛國至一佛國，供養諸佛，度脫眾生——是初菩薩。

〔二〕釋「佛國」等義

「佛國」者，十方如恒河沙等諸三千大千世界，是名一佛土。諸佛神力雖能普遍自在無礙，眾生成者有局。⁶⁶諸佛現在者，佛現在其佛國土中者。

四、釋「第二類菩薩」

〔一〕釋「無方便」⁶⁷

第二菩薩無方便入初禪，乃至行六波羅蜜。

「無方便」者，

1、不念眾生，但著禪味，慈悲心薄，為禪果報所牽生長壽天

入初禪時不念眾生，（339a）住時、起時亦不念眾生；但著禪味，不能與初禪和合行般若波羅蜜。

是菩薩慈悲心薄故，功德薄少；功德薄少故，為初禪果報所牽，生長壽天。

2、不能以禪福德與眾生共迴向無上菩提

復次，不能以初禪福德與眾生共迴向阿耨多羅三藐三菩提。

如是等無量無方便義。

〔二〕釋「長壽天」〔四種異說〕

「長壽天」者，

1、非有想非無想處

非有想非無想處，壽八萬大劫。

2、一切無色定

或有人言：一切無色定通名長壽天；以無形不可化故不任得道，常是凡夫處故。

3、無想天

或說無想天名為長壽，亦不任得道故。

4、從初禪至四禪，除淨居天

或說從初禪至四禪，除淨居天，皆名長壽；以著味、邪見，不能受道者。

〔三〕釋「還生人間值佛」

「還生人間值佛」者，以本發阿耨多羅三藐三菩提心故，或於禪中集諸福德。所以者何？彼間著味，善心難生故。如《經》中說：「如佛問比丘：『甲頭土多？地上土多？』諸比丘言：『地土⁶⁸甚多，不可為喻！』佛言：『天上命終，還生人中者，如甲頭土；墮地獄者，如地土。』」⁶⁹

⁶⁵ 何故——終不離佛：生慈悲心故。（導師《大智度論筆記》〔F033〕p.366）

⁶⁶ 佛所化土：十方恆沙等界；佛力能普至，度生者有局。（導師《大智度論筆記》〔C020〕p.220）

⁶⁷ 無方便：不念眾生，不知回向。（導師《大智度論筆記》〔E025〕p.324）

(四) 釋「利根、鈍根」⁷⁰

問曰：「鈍根」者，二十二根⁷¹中何者是？

答曰：

1、慧根

有人言：慧根能觀諸法，以久受著禪味故鈍。

2、五根：信、進、念、定、慧

有人言：信等五根皆助成道法，以受報著味故鈍。

3、十八根

有人言：菩薩清淨福德、智慧因緣故，十八根⁷²皆利；罪故則鈍。

(1) 眼等六根

眼等六根，如《法華經》說。⁷³

(2) 命根

命根不為老、病、貧、窮等所惱，安隱受樂，是為命根利。

(3) 喜、樂、苦、憂、捨根

喜⁷⁴、樂等五根了了覺知，故言利。

復次，受樂時知樂無常等過隨逐，不生貪欲故利；餘受亦如是。

(4) 信、進、念、定、慧根

⁶⁸ 土=上【元】【明】。(大正 25, 339d, n.2)

⁶⁹ (1)《雜阿含經》卷 16 (442 經) (大正 2, 114a21-c18)。

(2) 另參見《出曜經》卷 21 〈如來品〉(大正 4, 724b24), 卷 24 〈觀品〉(737a10-12)。

(3) 從天墮地獄，猶如大地土。(導師《大智度論筆記》〔G011〕p.385)

(4) 經：甲頭土多，大地土多。(導師《大智度論筆記》〔H001〕p.390)

⁷⁰ 利根、鈍根——(1) 三緣故利。(2) 根：一、慧根，二、五根，三、十八根，四、三〔善或不善〕根。(導師《大智度論筆記》〔C021〕p.223)

⁷¹ (1)《眾事分阿毘曇論》卷 4：「二十二根，謂眼根、耳根、鼻根、舌根、身根，男根、女根，命根，意根，樂根、苦根、喜根、憂根、捨根，信根、精進根、念根、定根、慧根，未知當知根、已知根、無知根。」(大正 26, 646b19-22)

案：1、《雜阿含經》卷 26 (642 經)：「爾時，世尊告諸比丘：有三根：未知當知根、知根、無知根。」(大正 2, 182a15-16)

2、《眾事分阿毘曇論》卷 5：「云何無知根？所謂阿羅漢盡諸漏結，若無學慧根，謂彼根慧解脫、俱解脫、現法樂住增上無間生，是名無知根。」(大正 26, 654a24-26)

(2) 另參見《發智論》卷 14 (大正 26, 991b23-26), 《大毘婆沙論》卷 71 (大正 27, 366a12-16), 《俱舍論》卷 2 (大正 29, 13a20-23)。其中之三無漏根，譯為：未知當知根，已知根，具知根。

⁷² 十八根：即二十二根中除女根與三無漏根（未知當知根，已知根，具知根）。因為說一切有部主張菩薩於百劫修相好時唯得男身，故除女根；又於三十四心斷結成道之前仍屬凡夫，故除三無漏根。

⁷³ 參見《妙法蓮華經》卷 6 〈19 法師功德品〉：「爾時佛告常精進菩薩摩訶薩：若善男子、善女人，受持是《法華經》，若讀、若誦、若解說、若書寫，是人當得八百眼功德、千二百耳功德、八百鼻功德、千二百舌功德、八百身功德、千二百意功德，以是功德莊嚴六根皆令清淨。是善男子、善女人，父母所生清淨肉眼，見於三千大千世界內外所有山林河海，下至阿鼻地獄，上至有頂，亦見其中一切眾生，及業因緣果報生處，悉見悉知。」(大正 9, 47c3-11)

⁷⁴ 〔喜〕—【宋】【元】【明】【宮】。(大正 25, 339d, n.4)

信根牢堅深固，難事能信，故言利。餘⁷⁵亦應如是隨相分別。

(5) 男根

男根淨者，得陰藏相；不著細滑故，知欲爲過，是爲利。

4、三善根、三不善根，三無漏根證實際、不證實際

復次，三善根⁷⁶利，故名爲利；菩薩或時於(339b)三無漏根⁷⁷不證實際故利。與利相違故鈍。

五、釋「第三類菩薩」

(一) 釋「不以方便捨諸禪」

問曰：第三菩薩若能捨禪，云何言「無方便」？

答曰：

1、無方便

是菩薩命終時，入不善心，捨諸禪定方便。

2、顯有方便

菩薩若入欲界繫善心、若無記心而捨諸禪，入慈悲心，憐愍眾生，作是念：「我若隨禪定生，不能廣利益眾生。」

(二) 釋「生欲界」

「生欲界」者，有十處：四天下人，六欲天。⁷⁸三惡道，菩薩所不生。

(三) 釋「諸根亦鈍」

「鈍根」者，如第二菩薩說。

六、釋「第四類菩薩」

(一) 明菩薩有方便、不隨禪生

第四菩薩，入位，得菩薩道，修三十七品，能住十八空乃至大慈大悲，此名「方便」。上二菩薩⁷⁹，但有禪定，直行六波羅蜜，以是故無方便。

第四菩薩，方便力故，不隨禪、定、無量心生。所以者何？行四念處乃至大慈大悲故；命終時憐愍眾生，願生他方現在佛國，續與般若波羅蜜相應。所以者何？愛樂隨順般若波羅蜜故。

(二) 釋「如是菩薩，賢劫中當得阿耨多羅三藐三菩提」

1、顯此等菩薩的類屬

問曰：此是何等菩薩？

⁷⁵ [餘] — 【宋】【元】【明】【宮】。(大正 25, 339d, n.5)

⁷⁶ 三善根：即無貪、無瞋、無癡。

⁷⁷ 三無漏根：即未知當知根、已知根、具知根。

⁷⁸ 三界諸趣：欲界十處。(導師《大智度論筆記》[A056] p.96)

⁷⁹ 上二菩薩：指第二類及第三類菩薩。

答曰：佛自說「跋⁸⁰陀劫⁸¹ (bhadrakalpa) 中菩薩」，或有非跋陀劫中菩薩，但取其大者。

2、釋「賢劫」

問曰：云何名「跋陀」 (bhadra) ？云何名「劫」 (kalpa) ？

答曰：

(1) 釋「劫」⁸²

A、舉經喻劫之長短

如經說：「有一比丘問佛言：『世尊！幾許名劫？』佛告比丘：『我雖能說，汝不能知，當以譬喻可解：有方百由旬城，溢滿芥子，有長壽人過百歲持一芥子去；芥子都盡，劫猶不漸⁸³。⁸⁴又如方百由旬石，有人百歲持迦尸輕軟疊衣⁸⁵一來拂之；石盡，劫猶不漸。』」⁸⁶

B、劫有二種 (導師《大智度論筆記》[J042] p.530)

時中最小者，六十念中之一念；大時名「劫」。

劫有二種：一為大劫，二為小劫。

(A) 大劫

大劫者，如上譬喻。劫欲盡時，眾生自然心樂遠離；⁸⁷樂遠離故，除五蓋，入初禪，是人離生喜樂；從是起已，舉聲大唱言：「諸眾生！甚可惡者是五欲，第一(339c)安隱者是初禪。」眾生聞是唱已，一切眾生心皆自然遠離五欲，入於初禪；自然滅覺觀，入第二禪，亦如是唱；或離二禪、三禪亦如是。三惡道眾

⁸⁰ 跋=颯【宋】【元】【明】【宮】【石】。(大正 25, 339d, n.9)

⁸¹ 《翻梵語》卷 10：「跋陀劫(應云跋陀羅，亦云波陀。《論》曰跋陀者善，譯曰賢也)。」(大正 54, 1054b8)

⁸² (1) 劫：石劫、城劫〔此是大劫〕。二種劫。時之大小。(導師《大智度論筆記》[C010] p.201)

(2) 說城劫、石劫。(導師《大智度論筆記》[G011] p.385)

(3) 經：劫——石喻、芥城喻。(導師《大智度論筆記》[H001] p.386)

⁸³ (1) 漸=颯【宋】【元】【明】【宮】；=颯【石】。(大正 25, 339d, n.10)

(2) 漸(厶)：盡，消亡。《禮記·曲禮下》“庶人曰死”漢鄭玄注：“死之言漸也。”孔穎達疏：“今俗呼盡為漸。”(《漢語大詞典(六)》，p.124)

(3) 颯(厶、)：完，盡。《新唐書·李密傳》：“而稟取不節，敖庾之藏，有時而颯，粟竭人散，胡抑而成功？”(《漢語大詞典(一)》，p.1733)

⁸⁴ 參見《雜阿含經》卷 34 (948 經)(大正 2, 242b16-29)，《別譯雜阿含經》卷 16 (341 經)(大正 2, 487c6-20)，《增壹阿含經》卷 50 (大愛道般涅槃品)(大正 2, 825b16-28)。

⁸⁵ (1) 《別譯雜阿含經》卷 4 (66 經)：「一切妙衣，迦尸衣第一；諸善法中，不放逸第一。餘如上說。」(大正 2, 396c18-19)

(2) 《雜阿含經》卷 10 (264 經)：「比丘！灌頂王法復有八萬四千四種衣服，所謂迦尸細衣、罽摩衣、頭鳩羅衣、拘沾婆衣。」(大正 2, 68a14-17)

⁸⁶ 參見《雜阿含經》卷 34 (949 經)(大正 2, 242c1-12)，《別譯雜阿含經》卷 16 (342 經)(大正 2, 487c21-488a6)，《增壹阿含經》卷 51 (大愛道般涅槃品)(大正 2, 825c7-21)，《大智度論》卷 5 (大正 25, 100c12-17)。

⁸⁷ 三界諸趣：劫欲盡時眾遠離。(導師《大智度論筆記》[A056] p.96)

生，自然得善心，命終皆生人中；若重罪者，生他方地獄，如〈泥犁品〉⁸⁸中說。是時三千大千世界，無一眾生在者；爾時，二日出，乃至七日出，三千大千世界地，盡皆燒盡。如「十八空」⁸⁹中，廣說劫生滅相。

復有人言：四大中三大有所動作，故有三種劫：
或時火劫起，燒三千大千世界，乃至初禪四處；
或時水劫起，漂壞三千大千世界，乃至二禪八處；
或時風劫起，吹壞三千大千世界，乃至三禪十二住處。⁹⁰
是名大劫。

(B) 小劫

小劫亦三種：外三大發，故⁹¹世界滅；內三毒發，故眾生滅，所謂飢餓、刀兵、疾病。

復有人言：時節歲數，名為「小劫」。如《法華經》中說：「舍利弗作佛時，⁹²正法住世⁹³二十小劫，像法住世二十小劫。⁹⁴佛從三昧起，於六十小劫中說《法華經》。」⁹⁵

是眾小劫和合，名為「大劫」。

C、釋義

「劫簸」(kalpa)，(秦言)分別時節。

⁸⁸ 參見《正觀》第 6 期，p.103：《摩訶般若波羅蜜經》卷 11〈41 信毀品〉(或作〈信謗品〉)(大正 8，304c)，《放光般若經》卷 9〈42 泥犁品〉(大正 8，63a)，《大般若經》卷 435 (大正 7，187c)，《道行般若經》卷 3 (大正 8，441b)，《大明度經》卷 3 (大正 8，488a)，《摩訶般若鈔經》卷 3 (大正 8，523a)，《小品般若經》卷 3 (大正 8，550c)。

⁸⁹ 參見《大智度論》卷 31 (大正 25，290b12-26)。

⁹⁰ 依據經文，前三禪各有四天。如《摩訶般若波羅蜜經》卷 9〈36 尊導品〉：「梵眾天、梵輔天、梵會天、大梵天，光天、少光天、無量光天、光音天，淨天、少淨天、無量淨天、遍淨天……。」(大正 8，289b11-14)

此中說初禪四處：指梵眾天、梵輔天、梵會天、大梵天。

二禪八處：指初禪四天，及第二禪光天、少光天、無量光天、光音天。

三禪十二處：指初禪四天、第二禪四天，及第三禪淨天、少淨天、無量淨天、遍淨天。

但《大智度論》卷 9 說初禪有三天：「梵世天者，生處有三種：一者、梵眾天，諸小梵生處；二者、梵輔天，貴梵生處；三者、大梵天，是名中間禪生處。」(大正 25，122c16-18)

⁹¹ [故] — 【宋】【元】【明】【宮】。(大正 25，339d，n.13)

⁹² 記舍利作佛。(導師《大智度論筆記》[G011] p.384)

⁹³ [世] — 【宋】【元】【明】【宮】。(大正 25，339d，n.14)

⁹⁴ 依現存《法華經》譯本，說法有別：

(1) 鳩摩羅什譯《妙法蓮華經》卷 2〈3 譬喻品〉：「……華光佛壽十二小劫。……是華光佛滅度之後，正法住世三十二小劫，像法住世亦三十二小劫。」(大正 9，11c4-12)

(2) 西晉·竺法護譯《正法華經》卷 2：「……蓮華光佛當壽十二中劫。……蓮華光佛滅度之後，正法、像法住二十中劫。」(大正 9，74b1-26)

(3) 隋·闍那崛多共笈多譯《添品妙法蓮華經》卷 2：「……華光佛壽十二小劫。……是華光佛滅度之後，正法住世三十二小劫，像法住世亦三十二小劫。」(大正 9，144b5-28)

⁹⁵ 參見《妙法蓮華經》卷 1〈序品〉(大正 9，4a23-26)。

(2) 釋「賢(跋陀)」

「跋陀」(bhadra)者，(秦言)善。

有千萬劫過去，空無有佛；是一劫中有千佛興，諸淨居天歡喜，故名爲「善劫」。淨居天何以知此劫當有千佛？前劫盡已，廓然都空；後有大水，水底涌出有千枚七寶光明蓮華，是千佛之相；淨居諸天因是知有千佛。⁹⁶

3、結

以是故說，是菩薩於此劫中，得阿耨多羅三藐三菩提。

(伍) 第五類菩薩：菩薩行禪有方便，起悲心，捨禪味生欲界〔結業身〕三大家〔(F036) p.369〕

【經】「舍利弗！有菩薩摩訶薩，入初禪乃至第四禪，入慈心乃至捨，入空處乃至非有想非無想處；以方便力故⁹⁷不隨禪生，還生欲界、若⁹⁸(340a)剎利大姓、婆羅門大姓、居士大家，成就眾生故。

【論】

一、明此菩薩是隨業生身，以方便力故不隨禪生

問曰：菩薩有二種：一者、隨業生；二者、得法性身，爲度眾生故，種種變化身生三界，具佛功德，度脫眾生。故二者⁹⁹之中，今是何者？

答曰：是菩薩是業因緣生身。所以者何？入諸禪方便力故，不隨禪生。法身菩薩變化自在，則不大須方便。¹⁰⁰

「入禪方便」義，先已說。¹⁰¹

二、釋「還生欲界」

(一) 云何生於欲界，不生他方清淨世界

問曰：若不隨禪定，何以生於欲界，不生他方清淨世界？

答曰：諸菩薩行各¹⁰²不同。或有菩薩於禪轉心，生他方佛國；菩薩迴心生欲界，亦如是。

⁹⁶ (1)《大悲經》卷3〈8禮拜品〉：「阿難！何故名為賢劫？阿難！此三千大千世界，劫欲成時，盡爲一水。時淨居天以天眼觀見此世界唯一大水，見有千枚諸妙蓮華，一一蓮華各有千葉，金色金光、大明普照、香氣芬薰、甚可愛樂；彼淨居天因見此已，心生歡喜，踊躍無量，而讚歎言：『奇哉！奇哉！希有！希有！如此劫中當有千佛出興於世。』以是因緣，遂名此劫號之爲賢。」(大正 12, 958a13-20)

(2) 淨居天見賢劫千佛出現之相。(導師《大智度論筆記》〔G011〕p.384)

⁹⁷ [故] — 【宋】【元】【明】。(大正 25, 339d, n.15)

⁹⁸ [若] — 【宋】【元】【明】【宮】。(大正 25, 339d, n.16)

⁹⁹ 者=身【宋】【元】【明】【宮】。(大正 25, 340d, n.1)

¹⁰⁰ 菩薩行位——七住〔八、九、十住同〕：法身菩薩變化自在，不大須方便。(導師《大智度論筆記》〔A042〕p.79)

¹⁰¹ 入禪定方便，參見《大智度論》卷 17 (大正 25, 181a11-190a6)。無方便生長壽天，參見《大智度論》卷 38 (大正 25, 338c-339a)。有方便不隨禪生，參見《大智度論》卷 38 (大正 25, 339b)

¹⁰² 各+(各)【宋】【元】【明】【宮】【石】。(大正 25, 340d, n.3)

(二) 因論生論：生他方佛國者，是屬欲界或非欲界

問曰：生他方佛國者，爲是欲界、非欲界？

答曰：他方佛國——

1、若不淨則名欲界

雜惡不淨者，則名欲界。

2、若清淨者，不名欲界、色界、無色界

若清淨者，則無三惡道、三毒，乃至無三毒之名，亦無二乘之名，亦無女人。一切人皆有三十二相，無量光明，常照世間；一念之頃，作無量身，到無量如恒河沙等世界，度無量阿僧祇眾生，還來本處。如是世界——在地上，故不名色界；無欲故，不名欲界；有形色故，不名無色界。¹⁰³

(三) 有菩薩生清淨世界出於三界，有菩薩以大慈悲心故生此欲界

諸大菩薩福德清淨業因緣故，別得清淨世界，出於三界。¹⁰⁴

或有以大慈大悲心憐愍眾生故，生此欲界。

三、釋「不隨禪生」義

問曰：若命終時，捨此禪定，初何以求學？

答曰：欲界心狂不定，爲柔軟攝心故入禪；命終時，爲度眾生起欲界心。

四、何以生刹利等大姓家，不生餘家

問曰：若生人中，何以故正生刹利等大家，不生餘處？

答曰：生刹利，爲有勢力；生婆羅門家，爲有智慧；生居士家，爲大富故，能利益眾生。¹⁰⁵貧窮中自不能利，何能益人？

(陸) 第六類菩薩：菩薩行禪有方便，生六欲天，成就眾生、淨佛世界 (〔F036〕p.369)

生欲界天，次當說。

【經】「舍利弗！復有菩薩摩訶薩，入初禪乃至第(340b)四禪，入慈心乃至捨，入空處乃至非有想非無想處，以方便力故不隨禪生；或生四天王天處，或生三十三天，夜摩天、兜率陀天、化樂天、他¹⁰⁶化自在天。於是中成就眾生、亦淨佛世界，常值諸佛。

【論】

一、明第六類菩薩與第五類菩薩之差異

是義同上，生天爲異。

¹⁰³ 它(他)方世界：惡不淨者名欲界，淨者不名三界〔獨菩薩出〕。(導師《大智度論筆記》〔C016〕p.211)

¹⁰⁴ 它(他)方世界：淨界無惡道及名，無二乘女人，人具三十二相，無量光明，一念頃作無量身，至十方界度無量眾生，非欲非色非無色，大菩薩福德清淨業感。(導師《大智度論筆記》〔C016〕p.212)

¹⁰⁵ 各具殊勝。(導師《大智度論筆記》〔D006〕p.246)

¹⁰⁶ (1) 地=他【宋】【元】【明】【宮】【石】。(大正 25，340d，n.5)

(2) 《大正藏》原作「地」，今依宋本等作「他」。

二、此菩薩何以生六欲天而不生人中

問曰：欲界諸天，情著五欲，難可化度，菩薩何以生彼，而不生人中？

答曰：諸天著心雖大，菩薩方便力亦大。

如說三十三天上，有須浮摩樹林，天中聖天，厭捨五欲，在中止住，化度諸天。¹⁰⁷

兜率天上，恒有一生補處，¹⁰⁸諸菩薩常得聞法。

密迹金剛力士，亦在四天王天上。

如是等教化諸天。

〔柒〕第七類菩薩：菩薩行禪有方便，作梵天王，尋佛請轉法輪〔〔F036〕 p.369〕

【經】「復次，舍利弗！有菩薩摩訶薩，行般若波羅蜜，以方便力入初禪，此間命終，生梵天處，作大¹⁰⁹梵天王。從梵天處，遊一佛國至一佛國，在所有諸佛得阿耨多羅三藐三菩提，未轉法輪者，勸請令轉。

【論】

一、釋「以方便力入初禪」

問曰：若隨初禪生，有何方便？

答曰：雖生而⁽¹⁾不著味，⁽²⁾念佛道，⁽³⁾憶本願，⁽⁴⁾入慈心，⁽⁵⁾念佛三昧，⁽⁶⁾時¹¹⁰與禪和合，故名爲「方便」。

二、釋「生梵天處，作大梵王」

問曰：何以故作梵王？

答曰：菩薩集福德因緣大故，世世常爲物主；乃至生鹿中，亦爲其王。¹¹¹

復次，是菩薩本願，欲請佛轉法輪，不應作散天。

三、釋「從梵天處遊諸佛國，勸轉法輪」

或時此中三千大千世界無佛，從一佛國至一佛國，求見初成佛未轉法輪者。所以者何？梵天王法，常應勸請諸佛轉法輪故。

〔捌〕第八類菩薩：菩薩行禪有方便，是一生補處菩薩，生有佛處、生兜率天，壽終來此成佛

【經】

※ 生諸佛前

¹⁰⁷ (1) 三界異熟——三十三天須浮摩林：聖人所住。(導師《大智度論筆記》〔A062〕 p.102)

(2) 三十三天上有須浮摩林聖天於中化眾生。(導師《大智度論筆記》〔H027〕 p.421)

¹⁰⁸ 三界異熟——兜率天：補處所住。(導師《大智度論筆記》〔A062〕 p.102)

¹⁰⁹ 〔大〕—【宋】【元】【明】【宮】。(大正 25, 340d, n.7)

¹¹⁰ (1) 〔時〕—【宋】【元】【明】【宮】。(大正 25, 340d, n.9)

(2) 時：副詞。時常，經常。(《漢語大詞典(五)》，p. 691)

¹¹¹ 參見《六度集經》卷 3〈布施度無極章第 18〉(大正, 312b29-13a4)，《六度集經》卷 6〈精進度無極章第 4〉(大正 3, 32c11-33b23)，《菩薩本緣經》卷 3〈鹿品〉(大正 3, 66c2-68b25)，《撰集百緣經》卷 4〈佛垂般涅槃度五百力士緣〉(大正 4, 220c16-221b13)。

「舍利弗！有菩薩摩訶薩一¹¹²生補處，行般若波羅蜜，以方便力入初禪乃至第四禪，(340c)入慈心乃至捨，入空處乃至非有想非無想處，修四念處乃至八聖道分，入空三昧、無相、無作三昧，不隨禪生，生有佛處，修梵行。

※ 生兜率天

「若生兜率¹¹³天上，隨其壽終，具足善根，不失正念；與¹¹⁴無數百千億萬諸天，圍繞恭敬，來生此間，得阿耨多羅三藐三菩提。

【論】

一、一生菩薩——「生諸佛前者」

(一) 一生菩薩在十地已具諸功德，何以仍修習諸行¹¹⁵

問曰：是一*生菩薩，在十住地，已具足諸功德，今何以修習諸行？

答曰：

1、未入涅槃，要有所行 (導師《大智度論筆記》〔A042〕p.81)

心未入涅槃，要有所行，所謂四禪乃至三三昧。

2、於天人中示行修道 (導師《大智度論筆記》〔A042〕p.81)

復次，是菩薩於天、人中，示行人法，修行求道。

3、猶有習在，猶有未知 (導師《大智度論筆記》〔A042〕p.81)

¹¹² 三=一【元】【明】*【石】。(大正 25, 340d, n.12)

案：《大正藏》原作「三」，今依【元】【明】【石】三本及《摩訶般若波羅蜜經》、《大般若波羅蜜多經》、《放光般若經》、《光讚經》、梵文本《二萬五千頌般若》各經經文對照作「一」，較為合理，以下同。

- (1)《摩訶般若波羅蜜經》卷 2〈4 往生品〉：「舍利弗！有菩薩摩訶薩一生補處行般若波羅蜜，以方便力故入初禪乃至第四禪，入慈心乃至捨，入虛空處乃至非有想非無想處，修四念處乃至八聖道分，入空三昧無相無作三昧，不隨禪生，生有佛處修梵行。」(大正 8, 225 c13-18)
- (2)《大般若波羅蜜多經》卷 404〈第二分·觀照品〉：「舍利子！復有菩薩摩訶薩修行般若波羅蜜多，有方便善巧故，入初靜慮乃至第四靜慮，入慈無量乃至捨無量，入空無邊處定乃至非想非非想處定，修四念住乃至八聖道支，於空解脫門、無相解脫門、無願解脫門自在現前，不隨靜慮、無量、無色勢力而生，是菩薩摩訶薩一生所繫。」(大正 7, 18c10-17)
- (3)《放光般若經》卷 2〈學五眼品〉：「復生一生補處菩薩，行般若波羅蜜，以漚愆拘舍羅，具於四禪，具四等意、四無形定、三十七品，空無相無願具足三昧，不隨禪處；常見諸佛，供事世尊。」(大正 8, 7c17-20)
- (4)《光讚經》卷 2〈行空品〉：「佛告舍利弗：一生補處開士大士，行智度無極，以善權方便，現行第一禪至四禪、慈悲喜護三昧，至于空慧、識慧、無用慧、有想無思，過是四天，修三十七品，行大哀，行空三昧、無想三昧、無願三昧；開士交遊自在所生也，其人面自見諸佛世尊。」(大正 8, 156c2-8)

(5) *Pañcaviṃśatisāhasrikā Prajñāpāramitā* (《二萬五千頌般若》)作「ekajāti-pratibaddhā」(一生所繫)。(Kimura Takayasu (木村高尉) ed., Tokyo, 2007, p.81)

¹¹³ 率=術【宋】【元】【宮】；明註曰：「率」，《北藏》作「術」。(大正 25, 340d, n.13)

¹¹⁴ 與=以【宋】【元】【明】【宮】。(大正 25, 340d, n.14)

¹¹⁵ (1) 行位——十住菩薩修行：未入涅槃，要有所行；於天、人中示行修道；猶有習在，猶有未知；今為證故；於佛小故。(導師《大智度論筆記》〔A042〕p.81)

(2) 十住即十住地。(導師《大智度論筆記》〔E024〕p.322)

復次，是菩薩雖在十住地，猶有煩惱習在；又於諸法猶有所不知，是故修道¹¹⁶。

4、今為證故（導師《大智度論筆記》〔A042〕p.81）

復次，是菩薩雖行深行——三十七品、三解脫門¹¹⁷等，猶未取證；今為證故，更修諸行。

5、於佛小故（導師《大智度論筆記》〔A042〕p.81）

復次，雖是大菩薩，於佛猶小；譬如大聚火，雖有能¹¹⁸照，於日則不現。如《放鉢經》中，彌勒菩薩語文殊尸利：「如我後身作¹¹⁹佛，如恒河沙等文殊尸利，不知我舉足下足事！」¹²⁰以是故，雖在十住，猶應修行。

（二）一生補處菩薩何以不廣度眾生，而生諸佛前

問曰：一¹²¹生菩薩何以不廣度眾生，而要生佛前？

答曰：是菩薩所度已多，今垂欲成佛，應在佛前。所以者何？非但度眾生得成佛，諸佛深法，應當聽聞故。

※ 因論生論：若為諮問佛事故生在佛前，何以釋迦菩薩於迦葉佛前惡口毀訾

問曰：若為諮問¹²²佛事故在佛前者，何以故釋迦文佛作菩薩時，在迦葉佛前，惡口毀訾？

答曰：

1、法身菩薩應機化身

是事先已說，法身菩薩種種變化身以度眾生。¹²³或時行人法，有飢渴、寒熱、老病、憎愛、瞋喜、讚歎、呵罵等，除諸重罪，餘者皆行。¹²⁴

¹¹⁶ 道=行【宋】【元】【明】【宮】【石】。（大正 25，340d，n.15）

¹¹⁷ 參見《大智度論》卷 6：「復次，入三解脫門：空、無相、無作，則得涅槃常樂故，是名甚深法。」（大正 25，107a6-7）

¹¹⁸ 能=所【宋】【元】【明】【宮】。（大正 25，340d，n.16）

¹¹⁹（復）+作【宋】【元】【明】【宮】。（大正 25，340d，n.17）

¹²⁰（1）參見《佛說放鉢經》：「舍利弗白彌勒菩薩言：『仁者高才，功德已滿，智慧備足，次當來佛，當知鉢處。』彌勒菩薩語舍利弗言：『我雖次當來佛，功德成滿，其行具足，不知*文殊師利菩薩。譬如十方恒邊沙佛剎滿中萬物草木，及爾所菩薩，不能知佛一步之中所念何等。』」（大正 15，449b24-29）但本經內容與《大智度論》所說不同。

* 知=如【宋】【元】【明】【宮】。（大正 15，449d，n.3）

（2）文殊不知彌勒舉足下足事。（導師《大智度論筆記》〔I028〕p.438）

¹²¹ 三=一【明】*。（大正 25，340d，n.18）

¹²² 諮問：咨詢，請教。《後漢書·趙典傳》：“朝廷每有災異疑議，輒諮問之。”（《漢語大詞典（十一）》，p.350）

¹²³ 參見《正觀》第 6 期，p.103- p.104：

（1）鬱多羅比丘惡口毀訾：參見《大智度論》卷 27（大正 25，261c14-16）。

（2）法身菩薩，種種變化：參見《大智度論》卷 6（大正 25，106b），卷 12（146b-c），卷 17（188c），卷 28（265b），卷 29（273b），卷 30（283a），卷 34（309b），卷 38（340a、342a），卷 59（478a），卷 74（580a）。

¹²⁴（1）菩薩行位——十住菩薩修行：法身菩薩變化度生，一切行唯除重罪。（導師《大智度論筆記》〔A042〕p.81）

（2）毘尼：法身行方便，唯除重罪。（導師《大智度論筆記》〔C007〕p.195）

是釋迦文菩薩，爾時爲迦葉佛弟，名鬱多羅。兄智慧熟，不好多語；弟智慧未備故，多(341a)好論議，時人謂弟爲勝。兄後出家，得成佛道，號名迦葉；弟爲閻浮提王訖梨机師，有五百弟子，以婆羅門書，教授諸婆羅門，諸婆羅門等不好佛法。爾時，有一陶師，名難陀婆羅，迦葉佛五戒弟子，得三道，與王師鬱多羅爲善友，以其心善淨信故。爾時，鬱多羅乘金車，駕四白馬，與弟子俱出城門；難提婆羅於路相逢，鬱多羅問言：「從何所來？」答言：「汝兄得阿耨多羅三藐三菩提，我供養還，汝可共行，覲見¹²⁵於佛，故來相迎！」鬱多羅作是念：「若我徑¹²⁶到佛所，我諸弟子當生疑怪：『汝本論議、智慧恒勝，今往供養，將¹²⁷是親屬愛故？』必不隨我。」恐破其見佛因緣故，住諸法實相智中，入無上方便慧，度眾弟子故，口出惡言：「此禿頭人，何能得菩提道！」爾時，難提婆羅善友，爲如瞋狀，捉頭挽¹²⁸言：「汝不得¹²⁹止¹³⁰？」鬱多羅語弟子言：「其事如是，吾不得止？」即時師徒俱行詣佛；見佛光相，心即清淨，前禮佛足，在一面坐。佛爲隨意說法，鬱多羅得無量陀羅尼門，諸三昧門皆開；五百弟子還發阿耨多羅三藐三菩提心。鬱多羅從坐起，白佛言：「願佛聽我出家作比丘！」佛言：「善來！」即成沙門。¹³¹

以是方便故，現出惡言，非是實也。

虛空可破，水可作火，火可作水，一¹³²生菩薩於凡夫¹³³中瞋心叵¹³⁴得，何況於佛！

※釋疑：佛何故受六年苦行之罪報

問曰：若爾者，佛何以受第八罪報¹³⁵——六年苦行¹³⁶？

¹²⁵ 覲(ㄐㄟㄌㄨㄛˋ)見：1、朝見。2、會見，拜見。(《漢語大詞典(十)》，p.352)

¹²⁶ 徑：直接。(《漢語大詞典(三)》，p. 976)

¹²⁷ 將：1、副詞。乃，方。2、副詞。殆，大概。(《漢語大詞典(七)》，p.805)

¹²⁸ 挽：拉，牽引。(《漢語大詞典(六)》，p. 623)

¹²⁹ 得：知曉，明白。《禮記·樂記》：“禮得其報則樂，樂得其反則安。”鄭玄注：“得謂曉其義，知其吉凶之歸。”(《漢語大詞典(三)》，p. 988)

¹³⁰ 止：語氣助詞。用於句末，表確定語氣。《詩·召南·草蟲》：“亦既見止，亦既覲止，我心則降。”毛傳：“止，辭也。”(《漢語大詞典(五)》，p. 299)

¹³¹ 參見《佛說興起行經》卷下〈佛說苦行宿緣經第十〉(大正 4, 172c6-174a1)，《法苑珠林》卷 76 (大正 53, 855c5-7)。

¹³² 三=一【明】。(大正 25, 341d, n.4)

¹³³ 夫=人【宋】【元】【明】【宮】。(大正 25, 341d, n.5)

¹³⁴ 叵(ㄉㄨㄛˋ)：不，不可。(《漢語大詞典(一)》，p. 957)

¹³⁵ 關於「佛受九罪報」，參見《大智度論》卷 9：「一者、梵志女孫陀利謗，五百阿羅漢亦被謗；二者、旃遮婆羅門女繫木盂作腹謗佛；三者、提婆達推山壓佛，傷足大指；四者、逆木刺腳；五者、毘樓璃王興兵殺諸釋子，佛時頭痛；六者、受阿耨多羅三藐三菩提而食馬麥；七者、冷風動故脊痛；八者、六年苦行；九者、入婆羅門聚落，乞食不得，空鉢而還。」(大正 25, 121c8-15)

¹³⁶ (1) 六年苦行，參見《根本說一切有部毘奈耶破僧事》卷 11 (大正 24, 156c27-157a3)，《方廣大莊嚴經》卷 7〈苦行品〉(大正 3, 580a22-582b18)，《佛本行集經》卷 25〈精進苦行品〉(大正 3, 767c24-771a29)，《佛說興起行經》卷下 (大正 4, 172c6-174a1)。

答曰：

(1) 小乘法與大乘法有異，小乘法中不說法身菩薩無量不可思議神力

小乘法與大乘法異；若無異者，不應有大、小。

小乘法中，不說「法身菩薩祕奧深法、無量不可思議神力」；多說「(341b) 斷結使、直取涅槃法」。¹³⁷

(2) 大乘以二義通，非實罪也

A、爲化諸天鬼神故

復次，若佛不受是第八罪報，有諸天、神、仙、龍、鬼諸長壽者，見有此惡業而不受罪報，謂爲無業報因緣；以是故，雖現在¹³⁸無¹³⁹惡業，亦受罪報。

B、爲化苦行外道故

又有今世因緣：諸外道等信著苦行，若佛不六年苦行，則人不信，言是王子串¹⁴⁰樂，不能苦行，以是故佛六年苦行。有外道苦行者，或三月、半歲、一歲，無能六年日食一麻一米者；諸外道謂此爲苦行之極，是人若言¹⁴¹無道，真無道也。於是信受，皆入正道。

C、結

以是二因緣故六年苦行，非實罪也。何以故？諸佛斷一切不善法、成就一切善法故；佛若實受罪報，不得言「成一切善法，斷一切不善法」。

2、大小差別——小：一生菩薩惡口罵佛；大：方便（導師《大智度論筆記》〔D009〕p.252）

復次，小乘法中，佛爲小心眾生故，說一¹⁴²生菩薩猶惡口毀佛。

一*生菩薩，尙不罵小兒，云何實毀佛？皆是方便爲眾生故。何以知之？

是釋迦文佛，毘婆尸佛時作大婆羅門，見佛眾僧食疾，而發是言：「如是人輩，應食馬麥！」因此罪故，墮黑繩等地獄，受無量世苦已；餘罪因緣，雖成佛道，而三月食馬麥。¹⁴³

又聲聞法中說：「佛過三阿僧祇劫，常爲男子，常生貴處，常不失諸根，常識宿命，常不墮三惡道中。」¹⁴⁴

(2) 六年苦行：小乘謂是第八罪報，大乘以二義通。（導師《大智度論筆記》〔C008〕p.197）

¹³⁷ 大小差別——小乘不說法身祕奧神力，多說斷結取涅槃。（導師《大智度論筆記》〔D009〕p.252）

¹³⁸ 在=作【宋】【元】【明】【宮】。（大正 25，341d，n.7）

¹³⁹ 〔無〕—【宋】【元】【明】【宮】。（大正 25，341d，n.8）

¹⁴⁰ (1) 串=慣【宋】【元】【明】【宮】。（大正 25，341d，n.9）

(2) 串（《又弓、》）：1、習慣。《荀子·大略》：“國法禁拾遺，惡民之串以無分得也。”楊倞注：“串，習也，2、親近。（《漢語大詞典（一）》，p. 623）

¹⁴¹ 〔言〕—【宋】【元】【明】【宮】。（大正 25，341d，n.10）

¹⁴² 二=三【元】【宮】*，=一【明】*。（大正 25，341d，n.13）

案：《大正藏》原作「二」，今依【明】本作「一」，下同。

¹⁴³ 三月食馬麥，參見《十誦律》卷 14（大正 23，99b29-100b13），卷 26（大正 23，187c8-189a4）；《大寶積經》卷 108〈大乘方便會〉（大正 11，606b4-c23）；《佛說興起行經》卷下〈佛說食馬麥宿緣經第九〉（大正 4，172a10-c4）。

從毘婆尸佛來，九十一劫；如汝法，九十¹⁴⁵劫中，不應墮惡道，何況末後一劫！以是故知非是實也，方便故說。

※ 釋疑：何故三阿僧祇後百劫不墮惡道

問曰：佛二罪¹⁴⁶，毘尼、雜藏¹⁴⁷中說，是可信受。三阿僧祇後百劫不墮惡道者，從初阿僧祇亦不應墮惡道，若不墮者，何以但說百劫？佛無是說，但是（341c）阿毘曇鞞婆沙論議師說！¹⁴⁸

答曰：阿毘曇是佛說，汝聲聞人隨阿毘曇論議，是名鞞婆沙，不應有錯！

又如薄拘盧，以一訶梨勒果施僧，於九十一劫中不墮惡道，¹⁴⁹何況菩薩無量世來以身布施、修諸功德，而以小罪因緣墮在地獄！如是事，鞞婆沙不應錯！以是故，小乘人不知菩薩方便。

復次，聽汝鞞婆沙不錯，佛自說菩薩本起：「菩薩初生時，行七步，口自說言：『我所以生者，為度眾生故。』言已，默然。乳舖¹⁵⁰三年，不行、不語；漸次長大，行語如法。」¹⁵¹一切嬰孩，小時未能

¹⁴⁴ 參見《大毘婆沙論》卷 176：「第三無數劫滿已修妙相業時，亦決定知我當作佛，亦發無畏師子吼言：我當作佛！齊何名菩薩？答：齊能造作增長相異熟業。……復次，修妙相業時，捨五劣事，得五勝事：一、捨諸惡趣，恒生善趣；二、捨下劣家，恒生貴家；三、捨非男身，恒得男身；四、捨不具根，恒具諸根；五、捨有忘失念，恒得自性生念，由此得名真實菩薩。」（大正 27，886c25-887a14）

¹⁴⁵ [十] - 【宋】【宮】；十+（一）【元】【明】。（大正 25，341d，n.15）

¹⁴⁶ 二罪：六年苦行及三月食馬麥。

¹⁴⁷ (1) 印順法師著《原始佛教聖典之集成》（p.100）：「《小部》，起初是屬於《經藏》的一部分，所以合稱《五部》、《五阿含》。但佛教界的一般趨勢，是別立為《雜藏》的；性質也與《阿含》不同，所以作為別部來說明。銅鑠部所傳，有很完整的《小部》。漢譯的部分不多，所以漢譯部分，就附列在《小部》下。」

(2) 印順法師著《以佛法研究佛法》（p.181-p.183）：「南方的佛教，大眾系與分別說系，在經律論以外，又有《雜藏》的結集。《雜藏》中，像《法句》、《義足》等，是古型的精粹的小集。也有本生、本事、譬喻、方等，這裡面含有豐富的大乘思想。這在迦王時代，已經如此了。不久，據《分別功德論》說，《雜藏》的內容更充實，也就是說，佛菩薩行果的成分更多了。「文義非一，多於三藏，故曰《雜藏》。」試問這部帙浩大的《雜藏》，從何而來？大眾分別說系的論藏不發達，傳譯來中國的很少；這不是中國學者有意鄙棄他，實在他本來就不多。但他們，重智慧，重化他，重融攝，他們焉能無所述作！我敢說，《雜藏》就是他們作品的匯集。後來，大乘思想更豐富，舊瓶裝不了新酒，這才離開《雜藏》，自立體系，編集為大乘藏。」

¹⁴⁸ 毘曇鞞婆沙說。（導師《大智度論筆記》[H011] p.399）

¹⁴⁹ (1) 《佛五百弟子自說本起經》〈薄拘盧品〉：「我昔曾賣藥，於槃曇摩國，在惟衛佛世，敬諸比丘僧。時有病瘦者，行藥療其疾，供給諸根藥，以惠諸比丘，一歲諸眾僧，令無所乏少。時施諸沙門，與一訶梨勒，於九十一劫，未曾歸惡道，在天上人間，其福自然見。所作德少耳，受福不可量；施一訶梨勒，長久生善處。」（大正 4，194b16-26）

(2) 薄拘羅訶梨果供僧事。（導師《大智度論筆記》[I029] p.439）

¹⁵⁰ 舖=哺【宋】【元】【明】【宮】。（大正 25，341d，n.18）

舖（勺又）：給食，喂食。（《漢語大詞典（十二）》，p.539）

¹⁵¹ (1) 參見《佛本行集經》卷 8〈樹下誕生品〉（大正 3，687b3-14）。

(2) 本行：初生相。（導師《大智度論筆記》[H014] p.405）

行語，漸次長大，能具人法；今云何菩薩初生能行、能語，後便不能¹⁵²？當知是方便力故。

若受是方便，一切佛語悉¹⁵³皆得通；若不受者，一實一虛！

3、總結「惡口毀咎因緣」

如是種種因緣，知為度眾生故現行惡口。

二、一生菩薩——「生兜率天者」

(一) 一生菩薩何以唯生兜率天而不生餘處

問曰：一*生菩薩何以但生兜率天上，不生餘處？¹⁵⁴

答曰：

1、若在他方世界

¹⁵² 能+（語）【元】【明】。（大正 25，341d，n.19）

¹⁵³ 〔悉〕—【宋】【元】【明】【宮】。（大正 25，341d，n.20）

¹⁵⁴ 參見《大毘婆沙論》卷 178：「問：何故菩薩唯於睹史多天受天趣最後異熟，不於餘天耶？」

答：脅尊者言：『此不應問，若上、若下，俱亦生疑。然生彼天，不違法相。』

有說：『睹史多天，是千世界天趣之中，猶如躋法，是故菩薩唯生彼天。』

有說：『下天放逸，上天根鈍，唯睹史多天離二過失；菩薩怖畏放逸、厭患鈍根，故唯生彼。』

有說：『下天煩惱利，上天煩惱數，睹史多天離此二種；菩薩厭此二類煩惱，故生彼天。』

有說：『菩薩唯造作增長彼天處業，故唯生彼。』

有說：『唯睹史多天壽量與菩薩成佛及瞻部洲人見佛業熟時分相稱，謂人間經五十七俱胝六十千歲，能化、所化善根應熟。彼即是睹史多天壽量，是故菩薩唯生彼天。若生上天，壽量未盡，善根已熟；若生下天，壽量已盡，善根未熟——故不生彼。』

有說：『為化睹史多天無量樂法菩薩眾故。謂彼天中有九廊院，廊各十二踰繕那量，樂法菩薩常滿其中，補處菩薩晝夜六時恒為說法。上、下天處無如是事。』

有說：『菩薩恒時樂處中行，故於最後生處中睹史多天。從彼歿已，生中印度劫比羅筏窣堵波，於夜中分踰城出家，依處中行成等正覺，為諸有情說處中法，於夜中分入般涅槃。由此唯生睹史多天，非餘天處。』

問：何緣菩薩於最後有唯從天歿，不從人來？

答：有說：『於諸趣中，天趣勝故。』

有說：『從天上來，人所重故。』

有說：『從天來時，有神變事；從人趣來，無如是事。』

有說：『人中無有如是壽量如睹史多與善根熟時相稱可故。』

有說：『睹史多天樂法菩薩業增上力，令此菩薩必生彼天，為說法故。』

有說：『菩薩彼時有生天業，定應受故。』

有說：『若菩薩頻生人中而成佛者，則生厭賤，不受化故。』

問：何不即於睹史多天成正等覺而必來人間耶？

答：隨諸佛法故。謂過殞伽沙數諸佛世尊皆於人中而取正覺故。

復次，天趣身非阿耨多羅三藐三菩提所依止故。

復次，唯人智見猛利能得阿耨多羅三藐三菩提故。

復次，諸天耽著妙欲，於入正性離生、得果、離染等事非增上故。

復次，人趣根性猛利，多分能受如來正法；天趣不爾。

復次，最後有菩薩必受胎生，天趣唯化生故。

復次，有二事處，佛出世間：一、有厭心，二、有猛利智；當知此二唯人趣有。

復次，人、天並是法器，為欲俱攝，故來人間。若在天上，則人無由往；又不可令天上成佛來人間化人，當疑佛是幻所作，不受法故。是以菩薩人間成佛。」（大正 27，892c15-893b3）

若在他方世界來者，諸長壽天、龍鬼神求其來處不能知，則生疑心，謂為幻化。

2、若在人中死人中生

若在人中死人中生，然後作佛者，人起輕慢，天則不信；法應天來化人，不應人化天也！是故天上來生，則是從天為人，人則敬信。

3、若無色界

無色界中無形，不得說法，故不在中生。

4、若色界

色界中雖有色身，可為說法，而深著禪味，不能大利益眾生故，是故不在中生。

5、若下三欲天、上二欲天

下三欲天，深厚結使，麤心錯亂；上二天結使既厚，心軟¹⁵⁵不利。

6、兜率天

兜率天上，結使薄，心軟利，常是菩薩住處。

譬如太子將登王位，先於靜室七日齋潔，然後登正殿受王位。補處菩薩亦如是，兜率天上如齋處，(342a)於彼末後¹⁵⁶受天樂；壽終¹⁵⁷來下，末後受人樂，便成阿毘三佛¹⁵⁸。

(二)釋「與無數百千億萬諸天圍繞恭敬來生此間，得阿耨多羅三藐三菩提」

1、諸天圍繞菩薩下生人間

(1)菩薩是末後天身，不復更來生天，是故諸天咸皆侍送

無量百千萬億諸天圍繞¹⁵⁹，來生是間。以菩薩先常於無始生死中，往反天上人間，今是末後天身，不復更來生天，是故咸皆侍送。菩薩於彼壽盡，當下作佛；諸天壽有盡者、不盡者，作願下生，為菩薩檀越。¹⁶⁰

(2)有魔怨恐來惱亂菩薩故，諸天侍衛

復次，諸天下者，欲常侍衛菩薩，以有百億魔怨，恐來惱亂菩薩故。

2、出家，得無上菩提

¹⁵⁵ 軟=濡【宋】【元】【明】【宮】。(大正 25, 341d, n.23)

¹⁵⁶ 〔後〕—【元】【明】。(大正 25, 342d, n.1)

¹⁵⁷ 終+〔後〕【元】【明】。(大正 25, 342d, n.2)

¹⁵⁸ 阿毘三佛。(導師《大智度論筆記》〔I044〕p.451)

(1)《一切經音義》卷 9：「阿惟三佛（此言訛也，正言阿毘三佛。阿毘，此云現；三，此云等；佛陀，此云覺——名現等覺。《長安品經》言成至佛，《小品經》云一切法、一切種。同一義也）」(大正 54, 356c17-18)

案：《出三藏記集》卷 2：「《摩訶鉢羅若波羅蜜經抄》，五卷（一名《長安品經》，或云《摩訶般若波羅蜜經》。偽秦符(案，符應作苻)堅建元十八年出。）」(大正 55, 10b1-2)

(2)《翻梵語》卷 1：「阿毘三佛，亦云：阿惟三佛，亦云：阿毘三佛陀；譯曰：大覺。」(大正 54, 981c9)

¹⁵⁹ 生兜率壽終無量百千萬億〔諸天〕圍繞成佛。(導師《大智度論筆記》〔F036〕p.369)

¹⁶⁰ 唐·義淨撰《南海寄歸內法傳》卷 1：「梵云陀那鉢底，譯為施主；陀那是施，鉢底是主。而云檀越者，本非正譯。略去那字，取上陀音轉名為檀，更加越字，意道由行檀捨，自可越渡貧窮。妙釋雖然，終乖正本。」(大正 54, 211b10-12)

此菩薩生人中，厭老病死，出家，得阿耨多羅三藐三菩提——如《菩薩本起經》中說。¹⁶¹

【經】

〔玖〕第九類菩薩：菩薩（法身）得六神通，遊諸佛國，供養恭敬尊重讚嘆諸佛¹⁶²〔F037〕p.370

「復次，舍利弗！有菩薩摩訶薩得六神通，不生欲界、色界、無色界；從一佛國至一佛國，供養恭敬尊重讚歎諸佛。

〔拾〕第十類菩薩：菩薩（法身）得六神通，遊諸佛國，彼國無二乘名〔F037〕p.370

「舍利弗！有菩薩摩訶薩遊戲神通，從一佛國至一佛國，所至到處，無有聲聞、辟支佛乘，乃至無二乘之名。

〔拾壹〕第十一類菩薩：菩薩（法身）得六神通，遊諸佛國，彼國其壽無量〔F037〕p.370

「舍利弗！有菩薩摩訶薩遊戲神通，從一佛國至一佛國，所至到處，其壽無量。

〔拾貳〕第十二類菩薩：菩薩（法身）得六神通，遊諸世界——無三寶處讚嘆三寶〔F037〕p.370

「舍利弗！有菩薩摩訶薩遊戲神通，從一佛國至一佛國，所至到處，有無佛、法、僧處，讚佛、法、僧功德；諸眾生等以聞佛名、法名、僧名故，於此命終，生諸佛前。

【論】釋曰：

一、約「法身（斷結使）、生身（不斷結使）」辨

菩薩有二種：一者、生身菩薩，二者、法身菩薩。

一者、斷結使，二者、不斷結使。

法身菩薩斷結使，得六神通；生身菩薩不斷結使，或離欲得五神通。¹⁶³

得六神通者，不生三界，遊諸世界，供養十方諸佛。¹⁶⁴

遊戲神通者，到十方世界度眾生，雨七寶；所至世界，皆一乘清淨，壽無量阿僧祇劫。¹⁶⁵

二、約「悲增上、智增上」辨

問曰：菩薩法應度眾生，何以但至清淨無量壽佛（342b）世界中？

¹⁶¹ (1) 參見《修行本起經》(大正 3, 461a3-472b23), 《異出菩薩本起經》(大正 3, 617b14-620c7)。

(2) 佛陀出胎、出家、苦行、成道、降魔、說法。(導師《大智度論筆記》[I034] p.442)

¹⁶² 「供養恭敬尊重讚嘆諸佛」

「遊諸佛國」 彼國無二乘名 「智增，樂多集諸佛功德」

菩薩（法身）得六神通「 彼國其壽無量 」

不生三界（四人） 「遊諸世界— 無三寶處讚嘆三寶——悲增，樂多為眾生」

(導師《大智度論筆記》[F037] p.370)

¹⁶³ 二種菩薩：生身——不斷，或得五通；法身——斷結，得六通。(導師《大智度論筆記》[C012] p.205)

¹⁶⁴ (1) 案：此釋第 9 類菩薩。

(2) 菩薩行位——十住菩薩修行：法身菩薩，得六神通，不生三界，遊諸佛〔國〕土。(導師《大智度論筆記》[A042] p.81)

¹⁶⁵ (1) 案：此釋第 10、11 類菩薩。

(2) 它（他）方世界：一乘，無量壽世界，法身大士之所遊。(導師《大智度論筆記》[C016] p.211)

答曰：菩薩有二種：一者、有慈悲心，多為眾生；二者、多集諸佛功德。
樂多集諸佛功德者，至一乘清淨無量壽世界。¹⁶⁶
好多為眾生者，至無佛法眾處，讚歎三寶之音，¹⁶⁷如後章說。¹⁶⁸

〔拾參〕第十三類菩薩：菩薩初發意時，得四禪等，不生三界，常生有益眾生處¹⁶⁹〔〔F037〕 p.370〕

【經】「舍利弗！有菩薩摩訶薩初發意時，得初禪乃至第四禪，得四無量心，得四無色定，修四念處乃至十八不共法；是菩薩不生欲界、色界、無色界中，常生有益眾生之處。」

【論】釋曰：

※ 釋「常生有益眾生之處」¹⁷⁰

此菩薩或生無佛世界，或生有佛世界。
世界不淨，有三惡道，貧窮下劣；或生清淨世界。

一、約有佛世界、無佛世界說

至無佛世界，以十善道、四禪乃至四無色定，利益眾生；令信向三寶，稱說五戒及出家戒，令得禪定、智慧功德。

二、約清淨世界、不清淨世界說

（一）不清淨世界

不清淨世界有二種：有現在佛，及佛滅度後。

1、佛滅度後

佛滅度後，或時出家，或時在家，以財施、法施種種利益眾生。

2、佛在世

若佛在世，作種種因緣引導眾生，令至佛所。

（二）清淨世界

清淨世界者，眾生未具功德者，令其滿足，
是名「在所生處，利益眾生」。

¹⁶⁶ 案：此釋第 10、11 類菩薩。

¹⁶⁷ 案：此釋第 12 類菩薩。

¹⁶⁸ (1) 參見《大智度論》卷 38〈4 往生品〉：「至無佛世界，以十善道、四禪乃至四無色定，利益眾生；令信向三寶，稱說五戒及出家戒，令得禪定、智慧功德。」(大正 25, 342b12-14)

(2) 二種菩薩：悲增，智增。(導師《大智度論筆記》〔C012〕 p.205)

(3) 菩薩根性：慈心多為眾生，多集功德〔法身仍有差別〕。(導師《大智度論筆記》〔F020〕 p.350)

¹⁶⁹ 得四禪等，不生三界，常生有益眾生處

| 行六度，入菩薩位，得不退一即時得

菩薩初發意時（四人）| 小住後得（論義）

| 便得無上菩提，轉法輪，大利眾生

| 般若相應（得六神通，論義）與諸菩薩遊諸佛國淨佛世界

（導師《大智度論筆記》〔F037〕 p.370）

¹⁷⁰ 菩薩化眾生：它世界淨穢有無佛法而異。(導師《大智度論筆記》〔C018〕 p.216)

【經】

〔拾肆〕第十四類菩薩：菩薩初發意時，行六度，入菩薩位，得不退〔F037〕p.370)

「舍利弗！有菩薩摩訶薩，初發意時，行六波羅蜜，上¹⁷¹菩薩位，得阿毘跋致地。

〔拾伍〕第十五類菩薩：菩薩初發意時，便得無上菩提，轉法輪，大利益眾生〔F037〕p.370)

「舍利弗！有菩薩摩訶薩，初發心時，便得阿耨多羅三藐三菩提¹⁷²，轉法輪，與無量阿僧祇眾生作益厚已，入無餘涅槃；是佛般涅槃後，餘法若住一劫，若減一劫。

〔拾陸〕第十六類菩薩：菩薩初發意時，般若相應，與諸菩薩遊諸佛國淨佛世界〔F037〕p.370)

「舍利弗！有菩薩摩訶薩，初發意時，與般若波羅蜜相應，與無數百千億菩薩，從一佛國至一佛國，為¹⁷³淨佛世界故¹⁷⁴。

【論】釋曰：

一、釋「第十四類菩薩」¹⁷⁵

¹⁷¹ 上=入【明】。(大正 25, 342d, n.11)

¹⁷² 提+ (便)【元】【明】【石】。(大正 25, 342d, n.12)

¹⁷³ [爲] - 【宋】【元】【明】【宮】。(大正 25, 342d, n.14)

¹⁷⁴ [故] - 【宋】【元】【明】【宮】。(大正 25, 342d, n.16)

¹⁷⁵ (1) 「乘羊」初心好而後雜惡著我一久久無量阿僧祇劫或至或不至〔罪多福少〕
| 先世福德因緣薄，鈍根 | 鈍根
三種發心 | 乘馬——發心行六度——若三乃至百阿僧祇劫得無上覺〔罪少福多〕
| 發心即得菩薩道 |
| 乘神通——先集無量福德、利根、心堅 | 發心即成佛 | 〔清淨福德〕
| 發心得六神通，觀諸淨土 |

(導師《大智度論筆記》〔F037〕p.370)

(2) 參見印順法師著《成佛之道》增注本 (p.413-p.417)：

菩薩所修道，三祇歷十地。頓入與漸入，隨機有差別。……。

現在，依龍樹菩薩〈往生品〉說（龍樹又配合了《入定不定印經》的次第），略為開示。

一、福薄根鈍心不堅——發心修行無量阿僧祇劫或至或不至

二、少福德利根——發心漸行六度或三大阿僧祇劫成佛

三、大福德利根心堅 | 甲——發心入菩薩位……（頂位）

| 乙——發心小住入菩薩位……（頂位）

| 丙——發心成佛轉法輪……（初地）

| 丁——發心般若相應成熟眾生莊嚴佛土…（地上）

（《成佛之道》增注本 p.414）

一、如乘羊而行的。發心前進，走了很久時間，有的還是不能到。……這也許是最一般的根性了。

二、如乘馬（經說如乘象）而行的。或修三大阿僧祇劫，或者百大阿僧祇劫，才能得阿耨多羅三藐三菩提。

三、如乘神通行的，其中又有三類。

甲（經說如乘日月神通而行）：龍樹又分為二類：有的，初發心就上菩薩位；有的，多少修行，就上菩薩位。菩薩位，雖有多種解說，然依《般若經》說，是頂位，再不墮惡道、下賤家、二乘地了（如約《華嚴經》的行位說，是發心住）。

乙（經說如聲聞神通行）：初發心就成大菩提，八相成道（初地分證，能於百佛世界，現身八相成道）。

丙（經說如來神通行）：初發心就般若相應，成熟眾生，莊嚴佛土。這是方便道菩

（一）此菩薩利根心堅，如乘神通者，發菩提心時，即入菩薩位

有三¹⁷⁶種菩薩，利根心堅，¹⁷⁷未發心前，久來集諸無量福德智慧；是人遇佛，聞是（342c）大乘法，發阿耨多羅三藐三菩提心，即時行六波羅蜜，入菩薩位，得阿鞞跋致地。所以者何？先集無量福德，利根心堅，從佛聞法故。

譬如遠行，或有乘羊而去，或有乘馬而去，或有神通去者。乘羊者，久久乃到；乘馬者，差¹⁷⁸速；乘神通者，發意頃便到。如是不得言：「發意間云何得到？」神通相爾，不應生疑！菩薩亦如是，發阿耨多羅三藐三菩提時，即入菩薩位。

（二）別釋三種菩薩：乘羊行者、乘馬行者、乘神通者¹⁷⁹**1、乘羊行者**

有菩薩初發意，初雖心好，後雜諸惡，時時生念：「我求佛道，以諸功德迴向阿耨多羅三藐三菩提。」是人久久無量阿僧祇劫，或至、或不至。先世福德因緣薄，而復鈍根，心不堅固——如乘羊者。

2、乘馬行者

有人前世，少有福德利根，發心漸漸行六波羅蜜，若三、若十、若百阿僧祇劫，得阿耨多羅三藐三菩提——如乘馬者，必有所到。

3、乘神通者

第三、乘神通者，如上說。

4、乘羊行者、乘馬行者、乘神通者之比較

是三種發心：一者、罪多福少，二者、福多罪少，三者、但行清淨福德。

（三）入菩薩位，得不退：即時得、小住後得

清淨有二種：一者、初發心時，即得菩薩道；二者、小住，供養十方諸佛，通達菩薩道故¹⁸⁰，入菩薩位，即是阿鞞跋致地。¹⁸¹

薩，初地以上到八地。

這可見，初發心就圓滿成佛，這是怎麼也不會的。但發心就入初地，證阿耨多羅三藐三菩提，是有的；還有更高的，初發心就自利圓滿，以方便度度眾生了。第二類或修三大阿僧祇劫，圓滿菩提，是漸機，釋迦佛就是這樣的根機。後三類是頓入的利根，但是希有難得的！」

¹⁷⁶ 三=二【宋】【宮】。（大正 25，342d，n.17）

¹⁷⁷ 三種菩薩利根心堅，指第 14、15、16 類菩薩，三種都是乘神通行的菩薩。

¹⁷⁸ 差（彳彳）：比較，略微。《漢書·食貨志下》：“白金三品……二曰以重差小，方之，其文馬，直五百。”（《漢語大詞典（二）》，p.973）

¹⁷⁹ (1) 《不決定入定入印經》：「佛言：文殊師利！此中則有五種菩薩。何等為五？一者、羊乘行，二者、象乘行，三者、月日神通乘行，四者、聲聞神通乘行，五者、如來神通乘行。文殊師利！如是名為五種菩薩。文殊師利！初二菩薩，不決定阿耨多羅三藐三菩提退無上智道；後三菩薩，必定阿耨多羅三藐三菩提不退無上智道。」（大正 15，699c9-16）

(2) 另參見《入定不定印經》（大正 15，706b21-c5）；印順法師《初期大乘佛教之起源與開展》p.658- p.661，p.704- p.712。

¹⁸⁰ 〔故〕—【宋】【元】【明】【宮】。（大正 25，342d，n.20）

¹⁸¹ 參見印順法師《成佛之道》增注本（p.414～p.416）：

如乘神通行的，其中又有三類。甲（經說如乘日月神通而行）：龍樹又分為二類：有的，初

（四）釋「得阿鞞跋致地」

「阿鞞跋致地菩薩」義，如先說。¹⁸²

二、釋「第十五類菩薩」¹⁸³

次後菩薩，大厭世間，世世已來，常好真實，惡於欺誑。

是菩薩亦利根堅心，久集無量福德智慧。初發心時，便得阿耨多羅三藐三菩提，即轉法輪，度無量眾生，入無餘涅槃；法住若一劫、若減一劫，留化佛度眾生。

佛有二種神通力：一者、現在時，二者、滅後。¹⁸⁴

「劫」義，如上說。¹⁸⁵

劫中所度眾生，亦復不少！

三、釋「第十六類菩薩」¹⁸⁶

次後菩薩，亦利根心堅，久集福德；發心即與般若波羅蜜相（343a）應，得六神通；與無量眾生，共觀十方清淨世界，而自莊嚴其國。

如阿彌陀佛，先世時作法藏比丘，佛將導遍至十方，示清淨國，令選擇淨妙之國，以自莊嚴其國。¹⁸⁷

發心就上菩薩位；有的，多少修行，就上菩薩位。菩薩位，雖有多種解說，然依《般若經》說，是頂位，再不墮惡道、下賤家、二乘地了（如約《華嚴經》的行位說，是發心住）。

¹⁸² 參見《大智度論》卷 27（大正 25，263a-264a）。

¹⁸³ 參見《成佛之道》增注本（p.416）：

乙（經說如聲聞神通行）：初發心就成大菩提，八相成道（初地分證，能於百佛世界，現身八相成道）。

¹⁸⁴ 佛有二種神通力。（導師《大智度論筆記》〔J043〕p.530）

¹⁸⁵ 參見《大智度論》卷 5（大正 25，100c），卷 38（大正 25，339b-c）。

¹⁸⁶ 參見《成佛之道》增注本（p.416）：

丙（經說如來神通行）：初發心就般若相應，成熟眾生，莊嚴佛土。這是方便道菩薩，初地以上到八地。這可見，初發心就圓滿成佛，這是怎麼也不會的。但發心就入初地，證阿耨多羅三藐三菩提，是有的；還有更高的，初發心就自利圓滿，以方便道度眾生了。

¹⁸⁷（1）《佛說無量壽經》卷上（大正 12，267a14-c15）。

（2）法積比丘至十方觀淨土。（導師《大智度論筆記》〔I023〕p.436）

（3）參見《大智度論》卷 10：「問曰：更有十方諸清淨世界，如阿彌陀佛安樂世界等，何以故但以普華世界為喻？答曰：阿彌陀佛世界不如華積世界。何以故？法積比丘，佛雖將至十方觀清淨世界，功德力薄，不能得見上妙清淨世界，以是故世界不如。」（大正 25，134b4-10）

（4）《大智度論》卷 50：「有菩薩以神通力飛到十方，觀諸清淨世界，取相欲自莊嚴其國。有菩薩佛將至十方，示清淨世界，取淨國相，自作願行。如世自在王佛將法積比丘至十方，示清淨世界。」（大正 25，418a26-b1）